



# А С С А Л А М

www.assalam.az

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№ 4 (105) апрель 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / раби-уль-ахир 1429 г. Багъа 15 къуруш.

## РЕДАКТОРЛА КОЛОНКА

### Бархъдешла лишанти

Нуша лерилра дазуагарси гяршлизиб арцурси гамилчирти гяхли сарра. Мусни-зубри халдарибхѣли, Ванза архля-ликьянаби гечбируси "гамилчи" мешубируки саби. Ил гяламат аклахъубси Къудратла ВеГ вагъес ва аргъес бикибси игъбарла веГ сай. Талихичебти саби мусни-зубрала веГ вагъес биубти.

Амма адамли мурталра деклар Къудратла ВеГ вагъес вирули ахлен, илини аклахъубти жананазивад бегларла чевяхи-си виаллира адам. Сен адамти чула хулбани чедиути секлайчи тамашабис ва аргъес хѣбирути? Ил вирхаънили яра вирхѣънили селра барсбирахъули хѣбиаллира, адам сунени сай виргяургули сай.

Адам вирхули виаллира хѣйаллира вавни гьардирули сари, чула дахъал журабачил ва ранганачил илди Аллагълис дезадикъули сари. Назикти къарла мякъянани дебати шурми булан пиякъяс дирули сари. Илини деклар Къудратла ВеГла цаъклис бикъридеш дирули ахлену? Къумлизибад зурбаси галга бетарули саби. Ил деклар тамаша ахлену? Мирхъи чедаая сегъунти "архитекторти" сарил. Архля чянкилиси гьимирти душуси мялякъ деклар тамаша ахлену? Къудратла ВеГла хикматунас бикъридеш дирули сари илданира.

Адамли Аллагъ хѣгъаллира, Берхили ва хясала писли Ил валули сай. Мирхъили ва бялихъуна сари Аклахъубси валули дуили сари. Галгубала мякъянанира ил марирули сай...

Сен нушаб деклар нуша Аклахъубси Аллагъ марварес хѣйгулра? Адамла урклилизи булан Аллагъла у белкли булигу. Ил къалли мархѣбарес хѣдирехѣ.

Ге Аллагъли аклахъубти дахъал секлай чучиб Аллагъла мугъур бихули саби. Амма ил секлайчи нушани мурталра деклар пикри бяхичиули ахленра. Аллагъличила гъанбирка-хъути секлал дахъал жананачир къаршидирули сари. Илданира адамти Аллагъличи бирхъѣс жибирули саби.

### Дагъиста муфтийла дугъабиз

**Иш ванзаличив лебтачилра ва  
Къиямалла бархли бирхутачицун ряхиму-  
уркѣцѣла веГ Аллагъ багъандан  
Ахлерти узби ва рузби!**

Гъарил дагъричевси ва балугълаваибси бусурман адамли белгиси даражализир исламла шайчирти багъудлуми далес чебси саби ва чула дурхли бегбихъѣс илдачи хъарси саби. Илдигъунти черлидиубти багъудлумала лугилизи кадурхути сари иманна (динна) урегалра хъулчи; Исламла шелра хъулчи дални, ихсан (тасаввуф) бални, цархилван буралли, урки нясдешуназибад ва хлял-глабигят умудирахъниличила гилму бални; шагъадатла мягъна бални; дехлиба ва дуббуцурала аркантира шуртлрира дални, Аллагъла малаикуначи вирхес гягънили биъни бални; веГла хала бегтала уми дални; Мухаммад идбагла ﷺ дурхилна ва хъунрала уми дални, Къуръаннизир гъандуршути малаикунала ва идбагунала ﷺ уми дални; Мухаммад идбагла ﷺ гямула гъуни къанткъантлилра бални; Къиямалла бархиличи вирхес гягънис биъни бални; адамтала ургар тинтидиубти бунагунала жураби дални; бусурман адамлис асудирахъутира



къадагъадарибтира дални; лезмила, лихлбала, някъбала, хулбала, варгла, урезидехла бунагуни сегъунти дирутил ва илдазивад секъйда мяхкамурусил бални.

Илди секлал дагъес бусурман адамличи чебсисаби "илди дяркъес багъандан Китайлизи ваэс чевкъули биаллира". Ил мурадличил харждирути сари хяж барес даари къадарла веГла арц. Адамли сецад дахъал багъудлуми касили виаллира, ил илцадла талихичевли вирар, илцадла илизисаби иман дебаси бирар ва илала — гякълу гъалабяхл арбякъунси бирар.

**Лебтасалра Аллагъ икъалавиаб Исламла  
хѣкълизирти багъудлумачи бегбихъѣс  
ва гяхити баркъудлуми дурадурклахъѣс!**

## МУХАММАД ИДБАГЛИЧИЛА

### Чебяхити европаланти ва Ислам

ЗАПАДЛА ГЯКЪЛУКАРТИ ИСЛАМЛИЧИЛА ВА  
МУХАММАД ИДБАГЛИЧИЛА

Инсаниятла бусурман-тала ахленси бутализи кабурхути бахъал машгъурти гялимти Исламличил тянишбиубли гьергъи сабира бусурманти бетаур яра Ислам гъарли-марли нуша Аклахъубси Къудратла ВеГ Аллагъла дин ва Мухаммад ﷺ илала ванзаличивси вакил виъни марбариб. Илди-гъунти лебилра дунъяличиб машгъурбиубти гялимтани Исламличила дурибти ца-цадехл пикрумачил тяниш-барес пикрибарилра нушала газета бучланти.

» 4-5



## В номере:

2

ХЪАРБААЯ —  
ЖАВАБ ЛУГЕХИЕ

Жаназ  
дехлибала



3

МУСЛИМАТ

Къудратла ВеГлис  
мутигиси



3

СУФИЙТАЛА ХАБУРТИ

Жабрагил малаик  
вамсахъурти  
баркъудлуми



5

ПСИХОЛОГА  
НАСИХИЯТ

Хъалибаргла талихл



7

ХЪАРБААЯ —  
ЖАВАБ ЛУГЕХИЕ





ХЪАРБААЯ — ЖАВАБ ЛУГЕХІЕ

# Жаназала дехИибала

Зайнулла Хиямзатов,  
Дагъиста исламла университетла  
преподаватель

abuhanifa@mail.ru

Вебклибсиле жаназала дехИибала дирни фарз-уль-кифаят саби, цархилван буралли, ца адамли дехИибала дарниличил лебтачилра чебси таманбирни, хледаралли—лебилра бунагълизи биркути саби.

## ШуртІри

Илди дехИибала дирухІелира цархилти черлидиубти дехИибултас кади-захуртигунти шуртІри тамандирули диэс гІягІнити сари. Масала, дазала лерни, дехИибала Къиблала шайчивял кайзурли дирни ва цархилти.

Вебклибси адам бусурманни виэс гІягІниси сай, сенкІун илис дехИибала Къиямалла бархІи гъаладилзути сари.

Жаназа, бихъри ва дехИибала дируси мер умутили диэс гІягІнити сари.

Имам гъалав тІашизурли виэс гІягІниси сай.

ДехИибала селра диргалабулхъуси



цили дирути ахІен.

ДехИибала дируси мерличиб жаназа яра илала бутІа биэс гІягІнибиркур, цархилван буралли, жаназа агарли илдигунти дехИибала дирути ахІен.

## ДехИибала дирни

Авна “Аллагъу Акбар” иру. Цаибси

Акбар” алли, илхІели имамлис гІергъи кайзурси маъмумли ил тикрархебиру ва имамли дехИибала тамандарайчи тІашилзан, саламла дугъби дурайчи.

Илди дехИибала тІашли дирути сари, чІянкІли тІашизес ахъри агарси халхІерили.

## МаслигІятдирути баркъудлуми

Имам вебклибсила михъирличи къаршили тІашилзуси сай, вебклибси мурул адам саял яра хъунул адам сарил хІерхІеили, гІелаб калунти биалли имамлис гІергъи къянази кабилзути саби.

Цаибил “Аллагъу Акбарлис” гІергъи “СубхІанака, Аллагъумма ва бихІамдика...” бучІахъес маслигІят-бируси саби ахирличи бикайчи, илис гІергъи “ФатихІя” сура бучІуси саби.

КІи бил “Аллагъу Акбарлис” гІергъи “Салавату Ибрагъимия” ахирличи бикайчи бучІуси саби, дехИибайзиб къяйдали.

ХІябь бил “Аллагъу Акбарлис” гІергъи вегІлис къадинра, вебклибсиле ва цархилтас къадинра балга бирахъес маслигІятбируси саби.

ДугІа вегІлис дигуси чеббикІес вируси сай, амма гІяхІси саби ва къиматчебси саби Идбагли барибси белчІни.

Балга барили гІергъи авнайс “Аллагъу Акбар” иру. Балуй шайчибхІра алгъай шайчибхІра салам бедлуга ва дехИибайзибад саламличил дурабулхъан.

Имамли ва дехИибайчиб лебти цархилтани цаибил “Аллагъу Акбарличил” някъби ахъдурцу ва михъирличир далта. Имамли тІамаличил такбирти дуру (“Аллагъу Акбар”) ва цаибил салам.

## ДехИибала дулъути секІал

Жаназала дехИибалара цархилти дехИибала дулъути нукъсандешуна дулъути сари: дазала агнили, гъайли.

СИЯХ

Гъарил бусурман  
адамли балес  
чебиркур цархилти  
бусурмантала  
жанничи,  
лебдешличи ва  
асилдешличи  
къячикес  
асубируси хІебиъни

## САГАТИ ХАБУРТИ

Белоруссиялизив туснакълизи-вад дураили сай МухІаммад идбагла карикатураби дураибси газетала редактор.

Милицияли балахъули саби Ивановола областьлизибти бусурманти булгес цалабиркуси юрт ила башутазирад цали бигубли сай или.

Казань шагъарлизиб бусурмантас хасбарибси ресторан-гостиница лерси комплекс лшес бехІибхІили саби.

Татарстаннизибси колониялизиб абхъибси мижитлизиб туснакълизи катурси бусурман адам маллали узес вехІибхІили сай.

Сенаторта ункъли чебаили саби закон, суненира динна школаби пачалихъла хІисаблизи кайсахъес ихтияр лугуси.

Россиялизир арбьякунси дуслизир киласабачира, мижитуначира, булгес цалабиркути хъулрачира дирути чябхъинтала лугІи илис гъалабси дуслизибичиб имцІабиубли саби.

Бусурмантала Косоволизибси аги США-ли Израильлис гІяхІдешлис дурабуркІуси политикала мурадуназиб пайдалабирули саби.

Даниялизир карикатураби багъанданти къалмакъар даимдиубли сари. Дуркъа карикатурабани сагати къалмакъар демжахъурли сари.

Смоленсклизиб хІербирути азербайжанлантани чус булгес мижит тІашбатес мер декларбарахъес тІа-лабхирули саби.

2007-ибил дуслизир Россиялизир хІукуматла органтани бутІакъандеш дирниличил исламла жамигІят гъалабхІи башахънилис 800 миллион къуруш деклардарили сари.

Эрмитажлизиб бетурхуси исламла культурала произведениеби чеди-ахънилис багъишлабарили дурабуркІуси выставкаличир МухІаммад идбагла заманаличибад бехІибхІили Османская империяла заманаличи бикайчила памятникуну чеди-ахъули сари.

## Жаназала дехИибала дирухІели дучІути балгни

**“Аллагъуммагъфир лихІайина ва майитина ва шагъидина ва гъаибина ва сагъирина ва кабирина ва зарина ва унсана. Аллагъумма ман ахІяйтагъу минна фаахІийги гІалал ислам ва ман таваффагъу минна фатаваффагъу гІалал имани. Аллагъумма ла тахІримна ажрагъу ва ла тафтинна багІдагъу”.**

Авф бину Маликли аргъибсири Идбагли жаназала дехИибала дирухІели гІергъиси балга барили: **“Аллагъуммагъфирлагъу вархІамгъу ва гІафигъи вагІфу гІангъу ва акрим нузулагъу ва вассигІ мудхалагъу вагъсилгъу билъ малъ ссалжи вал баради ва накъкъигъи минал хатІая кама юнакъкъа ссавбул абъязу мина дданази ва абдилгъу даран хайран мин даригъи ва агълан хайран мин агълигъи ва завжан хайран мин завжигъи ва адхилгъу жанната ва агІизгъу мин гІазабил къабри ва гІазабиннари”.**

Вебклибси виштІаси дурхІя виалли, гъалабси балга бучІухІели, “фатаваффагъу гІалал имани”-личи каибхІели ишкъяйда иру: **“АллагъуммажгІалгъу лана фаратІан ва зухран важалгъу лана шафигІан ва мушаффагІан”.** ВиштІаллис ва дагъриагарсиле бунагъуни ицниличила балга хІебиру, сенкІун илдацир бунагъуни дирути ахІен

агарли дирули диэс гІягІнити сари.

Жаназа ванзаличиб, чІябарличиб биэс гІягІниси саби, цархилван буралли, дехИибала жаназа някъбачи ахъбу-

“Аллагъу Акбар” дехИибала дирнила бехІибхъудла шартІ саби, цалабик биалли—ракагІатунала шайчиб.

Эгер имамли шуйнайсра “Аллагъу



МУСЛИМАТ

Зарипат Хазимова,  
журналист

zaripat@mail.ru

# Къудратла ВеГлиси мутИгИси

**Г**арил адамла иш дунъяли-чиб сунела гъуни лебси саби ва хлеририлла мурад лебси саби. Сегъуна-биалра къияндеш-личи дяхъигибхели нуша кумекбарахъес Аллагъличи дугъадилзулра, гъахъи

ти миллатуни хъисибли буртлули ахлен. Гъар секлал Аллагъла гъуйчир сари детурхути. “Нуша ца халаси хъалибар-гван уржили хлерирулра”, — бурули сари Хадижатли.

бухъунти бусурманти Аллагъла гъалаб бутлацугти биъни хъисиббарес вирул-ри илаб”, — бурули сари Хадижатли. Илала хулбазирад разидешла нургъ-би гердиклули сари. Халаси ва жагаси урклила реГл адам сархели сарри илар Хадижат лебилра дагъистанлантас гъахъидешуни дарахъес Аллагълизи рул-гули калунси. “Аллагъли набчи халаси урклеци бариб. Нуни тиладидарибти секлал илини тамандариб”, — риклули сари Хадижат.



биубхелира иличи сарра дугъадилзути ва илис сарра баркалла диклути.

Бирар адамти нуша мурталра чучил гъунидаэс дигути, сенкун илда-чил къаршидикибхели, нушани тгъгъам кайсулра. Къисматли ну илгъуна пер-гер адамличи ряхъагъахъира.

## Хадижат

Хадижат — Елена Каримова Кас-пийск шагъарлизибси сукъур-тала ва вайтла чебиутала обществола бекли рузули 25 дус риубли сари. Бехлемцлизи рикибхели илала хулба-ла шала нукъсанбикиб, амма изайчирад чедирекес даари цакаъани даргес бажардирикиб. Ил саригъунти вайтла чебиутас кумек бирес музарухъун. Илала къайгънала гъахъидешли саби гъанна сукъуртала обществола саби бегиси юрт лебси. Илар сукъуртас багъишла-дарибти дахъал жура-журала далдуцун-ира дурадурклули сари, ил лугилизир динничил дархдасунтира. Иличи чула челукъутачил адамти башули саби. Хадижатлира илдас сунезибад ляб-къуси бирули сари. Сецад гъахъидешуни дарес бажардириркулил сукъур адам-тас. Бахъалгъунти иличи “Неш” или дугъабилзули бирар. Саричиб хала-танира илала халаси хлурмат бирули саби.

Хадижат мурталра гъаркъянали рирусири. Илдигъунти пергер къили-къуни илис бегтгазирад калунти диэсра асубирар, сенкун илди илала бурибти интеллигентуни сабри. Аллагълизибад урухклути, адамтачил балбиркути сабри. Ил сари сунечирра рузусири ва хлал-тлабигъитлизир гъаларяхл рашуси-ри. Давлачехси рухъла дунъяличилра декларрулхъусири.

Сукъуртала обществолизиб Хала бархила байрамра дурадурклули саби. Къурбан байрам дурадурклули саби. Мавлидуни дучлули сари. Илаб адам-

## Къудратла ВеГличи гъуни

Гъарил адамла Аллагъличи гъуни-ра декларси бирар. Гъамадси ахленри ил Хадижатлара, илра васвасриклули калунсири, къияндешуначира ряхъа-гисири. Москвализиб хлйизи операция бирухели, ил Аллагъличи дугъаризур-сири хулбалала шалализирад мяхлрум-

Сукъуртала обществолизиб Хала бархила байрамра дурадурклули саби. Къурбан байрам дурадурклули саби. Мавлидуни дучлули сари. Илаб адамти миллатуни хъа-сибли буртлули ахлен.

марираба ибси тиладилчил, сенкун дурхъни къашмачи тлашбатес хъажат-лири. Илдикун илини дудеш агарли абилкъулри. Илис дурхънази дехибул-ти дирахъес дигулри. Хъаж барес хъул-риклусири. Адамтас гъахъидешуни дире-сра чесибсири. Лерилра сари риклути секлал дарес бажардирикиб ил.

## Хъаж

Ишдус илис хъаж барес имкан баклиб. Гъала-гъала ил сунела рухъ-ла шайчивси насихъитчичи дугъари-зур хъаж барес дигулра или. Илини гъерра руциб. Ил сунечил барх хъаж-ли бякъунтасра урки-урклиларад бар-калла риклули сари, сенкун илдани архъяла замана халаси кумек бирусари Хадижатлис вазипа ункъли бетерх-хъес. “Илдала шайзибад кумек агарси биалри, мажахъат нуни хъажла лерилра гъадатунти дурусли дурадурклес бажар-дирикиши.” — бурули сари илини. Иличи хаслира халаси асар бариб Къагъали, суненира лебилра дунъяла бусурманти цабиахъес халаси икъала бирусари. “Лебилра дунъяличибад муза-

## Талихъчерси хъунул адам

Хадижат-хъаж “Муслимаат” биклуси хъунул адамтала жамигъятлара жигар-ла бутлакъянчи сари. Ила музабухъ-унти хъунул адамтас разили гъуни-риур, илда дедибти суалтас дурусти жавабти дедлуга. Илди рухъла шайчиб давлачехбиахъес гъазализир рирар. Илини ил жамигъятлизир дурадурклути лерилра мавлидуначир бутлакъяндеш диру.

Хадижат-хъажис бусурманта диху-ти палтарла жураби дигахъу. Клана илини хъунул адамличи лебгъеб балби-кибсилзи халбирули рирар. Жагати палтарли хъунул адам жагарирули сари, чедирад чераэсцун ахленну, рухънарадра, бурули рирар илини. Садакъа буртлес дигахъу. Садакъа бирусилс Аллагъли халати имканти дедлугути сари. “Хлшани Аллагълизи тиладибарая, илини сеннира хлшала балга къабулбиру”, — бурули сари Хадижатли. Хъадислизибра бурили саби: “Аллагълиси беглара дигуси адамтас гъахъидешуни дируси адам сай”.

Ил дебали багъудичерси адам сари. Урус мез ункъли дала, булугунала мезра шин-ван далули сари. Илини гъатли-ра чумалдехл Дагъиста мезани далули сари.

Хадижатли сари дебали талихъчерси хъунул адамли-зи халрирули сари. Ил цархъилтанира гъибратлис гъанрурушули бирар. Илини пергер дурхъни абикъур. Дурхънала дурхънасра замана бургули сари. Хала неш илдасра дебали ригахъу. Дурхънала дурхъни школализибра ункъ-ли бучлули саби. Илдани Исламла хъул-чнра далули саби. Хадижатли сари бегтала хъабрачи рашухъели, сунечил барх дурхънала дурхънира бику ва илдази сунела бегтачила хабурти дуру. Лебтанилра булгес балули саби. Хала нешли илдази гъамрулизиб динни бурцуси мер иргъахъули сари.

Гъарли-марси дубурлан хъунул адамливан чекайсуси сари илини гъам-рулизир къаршидиркути къияндешуни. Халаси жигар лебси, алавчарти гъам-руличи асар барес бажардириркуси пергер адам сари ил.

Дила халали ахленси белк наб Р. Тагорла ишдигъунти гъайличил таман-барес дигахъира: “Гъамрули адам бур-сивирусари беклибиубси дунъяличиб дард лебни ахленну, ил дард гъахъличи шурбухъахъес бални саби, ил рази-дешличи шурбухъахъес вирни саби”.

СИЯХ

Хлшани камсилра бегтала хлурмат барадалли — илини хлшала Аллагъличи гъамдирахъура

## СУФИЙТАЛА ХАБУРТИ

### Жабрагил малаик вамсахъурти баркъудлуми

Аллагъла Расулли Жабрагил малаиклизи ванзаличи ваклибхели вамсурив или хъарбаиб.

Жабрагил малаикли авал анцбукълизив вамсурра или буриб:

Бегл гъалав. Ибрагъим идбаг цализи лайвакибхели, ну гъаршла удив сайри. Къудратла ВеГли набчи хъарбариб илис кумекличи музавхъахъес.

**Кинайс.** Ибрагъим идбагли Исмагилла хъабличи дис чебуцибхелира ну гъаршлиув къаршиикира. Илхели Къудратла ВеГли набчи илис кумекличи музавхъахъес хъарбариб. Хлули липла манзиллис ну илдацив вагъариубра, Ибрагъимли чебуцибси дисли къакъарлизи дяхъи барайчи, ва дис убасахъира.

**Хъайнайс.** Юсуп идбаг узбани къуюлизи лайвакибхелира Къудратла ВеГли ну ил верцахъес вархъира. Юсуп къуюла лутилизи катхъеили левалли ну иличи ваира ва верцахъира. Къуюла лутилизибад касибси къаркъаличи кайахъира.

**Авнайс.** Ухлудлизиб дяв бетурхуси замана капуртани хъела цула бячахъун. Итхелира Къудратла ВеГли набчи хъарбариб хъезибад кабиркуси хъила клант ванзаличи кабаайчи буцахъес. “Марлирагу, — иб Къудратла ВеГли, — дила Дигуси Расулла цалра хъила клант ванзаличи кабиалли, иличир нуни я къарла чий я галга хъакъахъис”.





МУХАММАД ИДБАГЛИЧИЛА

# ЧебяхИти европаланти ва Ислам

ЗАПАДЛА ГЯКЪЛУКАРТИ ИСЛАМЛИЧИЛА ВА МУХАММАД ИДБАГЛИЧИЛА

1«

## “Вирару илала чевяхИдеш умцес?”

Гьарли-марли Мухаммад ﷺ — дунья аклубхейчибад бехибхьили ванзаличи бархьибти лебилра идбагунази-вад бегла гьегьиси идбаг сай. Чи вирара дуньяличиб аклубти адамтази-



вад сунени дурадерикибти баркьудлуми хясибли иличил цугуцес? Нушаб тянишли сари машгьурти полководе-цунала, пачалихъла хйракатчибала, халати империябала бургала, гямру-личи асарбарибти гьаргбаркълумала авторти саблин машгьурбиубти халати гялимтала уми.

Се бурес вирара ил шайчивад гьам-иалли Мухаммад идбагличила ﷺ? Ил араггер империяби, дахъл халати гяскурти, дахълхи диубти гядатуни ва кабизурси гямрула бетуц анар-ханардарниличивлицун паргьатхейуб. Ил сунела гьала ташбатурси бурес агарли халаси кьадрилла ва чебяхИ-си мурад сархес багъандан кахедур-хути цакъвани дучес бажардикиб, илизисби халаси кьасличи ил валути лебилра хййранбирутири. Ил халати кьуллукъуни сархес, адамтас буйру-хьиклес ва илизисб сунес се-биалра баргес хьулхевхъун, гьар секлал илини рухъла дунья гьалабяхИ башахънилис, адам цябдешлизилад дурайънилис дедиб, ил вебкйили гьегьира мицйир-тачив цакъсили ва азирти дусмазивра халкъла уркълурбазивра мухълубазивра калес бажардикиб. Дуньяличиб хьери-бирути халкъла хйбал бутлала ца бутла илала гьуйчибад башули саби, ил лугли гьурра кьалабали имцабикйули саби. Челябкъла гьалахили бурес виубси ва сунела шайчи гьайличилра гьибратли-чилра бахъл адамти битлаклес виуб-си гьур илгъуна адам инсаниятлизив хейуб.

Философ, гьайла уста, закони кьабулдиран, ургъан, адамтала уркълубазив бархьси дин мицйирбарисби, кьанча-нас илизисб мер хьабатурси, дуньяли-чирти гьалцад империялис ва лерил-ра илди сунези алавдуцибси зурбаси рухъла дуньялис хьулчи кабибхьисби Мухаммад идбаг ﷺ сайри. ЧебяхИти

адамти кьиматлабирухъели хьулчили-зи дурцути лерилра далилтаци хьари-хьули иличи гьамиубхъели, дуньяличив иличил цугуцеси цархилл адам аклуби уили ахлен. Ил секлал машгьурти гьа-лимтанира марбирули саби. Гьарли-марли, иличил цугуцеси даражала ва кьадрилла адам ванзаличив ил ахленси хейуб.

La Mactih  
Париж, 1854 д.

## “Гьабкъянабачи таман-дарес черти хйбал секлал лерти сари”

Халкълис бекдеш дирути гьаб-къянабани хйбал секлал сархес чебси саби: сунела хьерудилиуб-ти беклахъудила шайчиб гьеббуцес ва илдас гьалабяхИ башес имканти аклахъес; жамигьятла бухнаб соци-альный низам кабизахъес ва гьеббу-цес, сунезибти адамти урехиагарли ва паргьатли хьерибиз биэсли; сунела халкъ цадехИ дурхъадешуни-алав уржили цабиъни сархес. Инсаниятли ункъли балути гьалимти Пастер ва Сальк цаибил шартI сархибти адамти сабри. Махатма Гандира Кофуцийра, Александр Македонскийра, Юлий Цезарьра, Адольф Гитлерра кйибил шартI гьеббуцибти ва, асубирар, хйбъ-ибиллизибра декларбухъес биубтала лугилизибад биэсра. Иисус Христосра Буддара чедир гьандушибти секлай-зибад хйбъибил сархес биубтазибад сабри. Мухаммад идбаг ﷺ биалли илди хйбалра секлал ца суненицун дарисби адам сай. Камси кьадарлизив ил мурадличи гьамиубсилези халва-рес асубирар Моисейра (Муса идбаг).

Жюль Массерман,  
психоаналитик, Чикагола уни-  
верситетла профессор, бузахъуси  
дин хйсибли иудей

\*\*\*

...нушала манзилла 570 ибил дус-лизив Маккализив инсаниятличи беглар халаси асар барисби адам — Мухаммад ﷺ аклуб.

Джон У. Драпер  
“Европа гьакълула шайчиб гьа-  
лябяхИ башнилад история”, Лондон,  
1875д.

\*\*\*

...Ну ил адам руркьули калунра, дила пикрили, ил бекйилл Гиса идба-гличи ﷺ кьаршисилези халареси жура-ла адам ахлен,— иличи ургьели, ил лебилра инсаният Берцахьисилези халварес чебиркур.

...Эгер ишхелла замана Мухаммадлис кьайдали дуньялис бекдеш дирес имкан лебси биалри, илгъуна адамли лерилра челукьу-ти масъулти арзили бекдарес вири, илхелли дуньяличи баришдешра пар-

гьатдешра хьурадири, дунья биалли ишбархли илдазибад мяхълумли саби.

Берднард Шоу  
“Гьарли-марси Ислам”

## “Ил чичилра мешуси ахленри ва тикрарварес хейрар”

Илис (Мухаммадлис ﷺ кьарши-картани давлумира, арцра, черяхИти кьуллукъунира дедес чейсулри, ил идбагдеш дирнилизивад гьелумизал-ри, сунечи Аллагъли хьарбарисби дурхъаси вазипализивад гьелумизал-ри. Илини сунела хьуцълумачи декйси мах чесиб ва дахъл кьиян-жапализи виркниличила балукъира, кьаршикар-тани гьаладирхъуатазивад чълумали гьелумизур. Сунела хйракатлизивад хьу-



лилипла заманалисалра гьелумхей-зур. Аллагъла ула кьадри камбарес балбизуртала гьалав ахъси шурла лес-ван тлашизур, адамти сунела шайчи битиклес даимиуб.

Ил бурес агарли тамашала адам сай, мажахьят гьурра илгъуна виэс, илала замана хьерибури лебти поэ-тунанира гьалимтанира илгъуна виъни марра бариссири.

Сунезиб хьукуматра цакъра лерхъе-лира, сен ил кьиян-жапализив хьери-русири, сен мискинни хьерирусири? Дебали мурхъли дяркъес ва дархъли аргъес чебиркур илини вебклес гьалар дурибти гьай: “Нушани, идбагунани, дебкйили гьегьи букьуртас селра бал-туси ахлен. Нушани балтуси садакъа-цун саби”.

“Вас-васъала агарли, Идбаг ветаэс ихтияр илала сабри лебси”

Мухаммад идбаг ﷺ я Цезарь ахленри я Римла бекI кашиш—папа. Илдигъунти кьуллукъуначи вазс илини мурадла тлашбатурси ахленри. Илала

кьакъла гьелар дахъл хьурбуни ва гьяскурти аги. Сай ватахъес кабатур-ти кьараултачила кьалли гьайра диэс хедирар. Илини я алапа кайсуси ахлен-ри, я илис беклахъуди гьеббуцес давла чинилра бедисби ахленри. Ил кьялгъна-зив хьерирули калунси замана кьалли бекйилл хейуб.

Динна кьанунтала кумекличил адамти сунес гьелабад башахъес чи-биалра бажардивикиб виалли, ил Мухаммад идбаг ﷺ сайри. Ил чилалра шайзивад гьелуцниличи хйжатхейкиб, хаста палтарличира илис хйжатдеш аклубси ахленри. Илини сунени сай цархиллтачив ахъли чейуси ахленри. Идбагли виэс ихтияр гьарли-марли илала лебри.

Гьанна илала гьамрула гьуни ва пикрумала кабиз руркьути лебтанилра илала чевяхИдешла гьалаб икрамбиру-ли саби.

Ил шайчир ишар нуни дахъл секлал дурес вирира. Иличила адамта-ни дурути ва делкълунти иргъухъели, ну пахрули вирцълурла ил адамла халаси хьурматличи тамашаирулра. Бухъанси заманалис ил пергер мугьаллимла пик-румала асарлиув ну кални балулра.

А. Бесант.  
Мадрид, 1932 д.

## “Западлизив илинигъуна асилдешла даража сархибси цархИл адам валули ахлен”

Сунела пикрумала кабиз батахъес багъандан Мухаммад идбаг ﷺ сегъун-ти-дигара гьязабти ва кьияндешуни чекасес хйадурли сайри. Гьавкъяна сайхъели ил гьалакдеш агарти хйял-табигьятличил декларулхъусири ва ца бетуцлизив вяшиклуси-

» 5



4 « ри. Илини адамти ахъли кыматла бирутири ва мяхкамбирутири. Илала чевяхидешлис бикъридеш дирули сари илала сархибдешунани. Илизирти халати адамдешли илала баркъудлумас-ра чедибдеш глеббурцусири. Западлис илалагунти имканти лерси цархил адам левни ашкарли ахлен. Иличи къас-къасли чедуршутти дархъагартти секлал сари-сарил дянгдулхъули сари.

В. Монтгомери  
Оксфорд, 1953 д.

**“Ил дин саби бузахъниличи лайикъли саби”**

“Хиджаблизб Ислам” биклуси сунела жузлиирти гъалагъайлизиб Швецияла пача Густав III-ибилли луклули сай:

“Исламла хъулчи гъамадли аргъеси саби—ил “ Аллагъ ахленси сунес сужда барес лайикъси



аллагъ левси ахлен” ибси формула саби, сабира Мухаммад идбагличи ۞ бархъибси. Умцъули хъалли Къуръаннизиб ишхелла заманала гилмуличи къаршили дурабулхъуси селра агара. Ил багъанданра ил дин бузахъниличи лайикъли саби”.

**Исламлизибси сунечи витиклуси цлакъ**

Адаб-хияяла шайчир гъаладирхъути тлалабуни саркъибти диъни багъанданра Ислам къалабали тинтлбиклули саби. Бусурмантани дин багъанданти дургъби детурхухелера цархилти динанала вакилтачи ряхлму-урклеци дирутири. Мутлгбубти илдани кабуршутти ахленри. Бусурманти христиантаци гъамбирнира кашишунанира христиантала пачнанира дин бузахъути адматаци дирути зулмуртачил цугбуцес хейрар. Масала, 1592 ибил дусла августла 24-личиб Ворфоломейла дуги Францияла пача Карл IX-ибилла ва бика Екатеринала буйрухъ хясибли Парижлизиб ва ил-алавти мер-мусаличиб 60 азир протестант кабушибтири.

Христиантани къанчаначилти гъужумтала замана бусурмантаци къаршили даклудироти жанивардеш михъирличиб ниъли бухъути дурхначи дирути зулмуркардешличил цугдуцес вирар. Цархилти гъай-мезла билхлализи геладикибти динаначил цугбуцибхелли, Ислам цлакъла ва дагърила вавализи халбарес вирар.

Исламла зулмуркардешла мерличир дунъализи ряхлму-урклеци хиб, дин ярагъличи хъарихъуливан ахли, даршутти тяхъар-къайдаличил тинтлбирухелли сабри гъамадли къабулбируси.

Гилмула хлурматбируси Исламличиб машгъурси дин агара, лебилра бусурманти багъудлумачи беглбихархъес жибирули саби динни. Мухаммад идбагла ۞ имцлатигъунти хядисуни гилмурти ва багъудлуми тинтлдиричили гилратуниливан гъандушес вирар. Исламла беклахъудила шайчирти лебдешуначиб ва лигматуначиб гилму мурталра гъалаб чебиули саби ва ахъли кыматла бирули саби.

Лорд Давенпорт,  
Англияла гялим

**Психологла насихлат**

**Хъалибаргла талихI**

Мурул-хъунул психологияла багъудлумачи беглбубли хлебиалли, ил секлал балагъ-къадарлис ва дарданас сабабли бетаэс бирар.

Дебали чекаризурли дин бузахъуси хъунул адамлисра сунела мура хлал-тлалбиглатла цацадехI къиликъуни асухледирути сарливан гъанарули дирар. Ил секлайчи хлуша хъунул адамла хлулбачил ахли, тухтуртала хлулбачил хлордизирая ва илхелли хлушани иргъида цацадехI секлал мурул адамлира хъунул адамлира цаван къабулхледирули диъни, илис декларси кымат бедлугули биъни. Мурул адмалли гядатласилизи халбируси секлай хъунул адам хлйизи рикахъес бирули саби.

Дигай лерни иргъахъуси хъалибарг секъяйда мяхкамбируси,

анкъилизисби ванадеш секъяйда камхлебирахъуси? Мурул адамла-ра хъунул адамла хлал-тлалбиглатлизибси деклардешли хъалибаргла талихлличи сегъуна асар барес бирара?

Муслимаат Баканова,  
журналист



— Мурул адамла хъунул адамла хлал-тлалбиглатлизирти хасдешунани гъаман хъалибаргунни дехъниличира анцлбукъ бетрикахъули бирар. Россиялизир алклати хъалибаргуназирад 80 процентличи бикайчи делхъули сари ибти баянти лугули сари ишбархли статистикали. Цархиллван буралли

кабикибси анцлбукъ аргъес валлилзан, пикрикалхъан, сунес бетаурси аргъес къасбиру.

Кайсекхле ишгъуна аги. Хъунуй муруйчи хъарбирули сари хъа бяхлличи чебяхлахъибси картина бихлуси гябул бархъли бетяхъяхъес. Муруйра хъунуйра ил секлал секъяйда чебиу-

Ну умутчевлира хъунул адамра мурул адамра Аллагъли хъарбарисби къяйда цаличи ца гъамбиралли, илдала ургар челукъути кахлевлан, имцлати аваралис мер хлебирар. Ил шайчир Исламлизир пергер дурхъадешуни лер, хъалибаргла бухнаб баришдеш глеббуцахъес мурталра икъаладиэс дирули сари илди.

даршал хъалибарглизирад 80 делхъули сари. Ил шайчирти Дагъистайзирти баянти сегъунти сарил багъес диубли ахленра, амма нушачибси аги цакъадар къулайси бургар или гъанбиркули саби. Пергъити авал дус консультантли узуси ну гъаман ил секлайчил дархдасунти масъултаци вяхигулра.

Мурул адамла хъунул адамла хлал-тлалбиглатлизирти декларти лишанти илдала физиологияра цагъуна хлебиъниличил дархдасунти сари. Лебтанилра балуси бургар хъунул адматала психология бекла мехлела балуй байхъу шарличил бархбасунси биъни, ил шалили сари хлаланас жавабкардеш дихути. Мурул адматала психология биалли иличи урглебси саби — алгъай байхъу шарличил бархбасунси саби. Ил шайчир биалли гякълуличил, дурути баяндарес балниличил дархдасунти лишанти имцлати гъаладяхI ардякъи сари, хлаланачил дархдасунтиван ахли.

Масала, хъалибаргла бухнаб сегъуна-биалра бархибдеш аклубли биалли, хъунул адам вяриклес рехлрирхъур, тлалхъяна дялчес ретулхъан, гъалакрикар. Мурул адам биалли

ли? Хъунуйс авара агара ил секъяйда жибирикабухъил, чланкли илис дигули сари муруй сари риклуси барили. Муруйс биалли ил гябул сунела мерличиб саби или гъанбиркули саби ва къячикес дигули ахлен. Хъунул адмалли биалли муруй сари риклуси барес къабулхлейкни сунеласун иргъули сари. “Сен ил къабулхлеркуси? Нуниклун илизи тиладибарира ил барахъес”,—риклули сари ил сунези сари. Илини муруй сунечи пикри бяхлчихлехъни саби къабулхлебируси.

Ну умутчевлира хъунул адамра мурул адамра Аллагъли хъарбарисби къяйда цаличи ца гъамбиралли, илдала ургар челукъути кахлевлан, имцлати аваралис мер хлебирар. Ил шайчир Исламлизир пергер дурхъадешуни лер, хъалибаргла бухнаб баришдеш глеббуцахъес мурталра икъаладиэс дирули сари илди.

Къудратла Бел Аллагъла гъуни буцили хлордиреная, илхелли хлушала хъалибарглизир балгундешра талихл-ра мурталра камхледира.

Гялиасхлйаб Мурзоев,  
ДГУ-ла психологияла  
кафедрала преподаватель

СИЯХ

Баркъудлумазибад беглара гяхлси — Аллагъ ۞ багъандан дигахъни ва ил багъандан хлейгахъни саби



Сунези хъарбаибхелли, къаскъасли сунени багъудлуми диглндарибсиллизибад къияммала бархли жаваб тлалаббируси саби.

Адамла хлурмат бируси гякълула бугадешра уркила гяхлдешра хлйсибли саби, илала лебдеш хлйсибли яра илала беглти чихъали сабил хлйсибли ахленну.

Къиямалла бархли деклти гязабтазив вирар иш дунъаличиб адмалти гязабтази гелабушибси.

Чили къаскъасли къянала хъа бирули виалра, илала мер жагъаннабла цла бирар.

Урклеци агарси гяхлдешуназивад мяхлрумли вирар.

Клел адмалла урга кайэс асубирар илдази хъарбаили глергъицун.

Цархилли адматас гъалаб салам бедлугути адмалти бирар Аллагъли гъалаб чебиути.



ДУРХИНАС

# Веґліс гьалмагъ секъяйда чеввиркүси?

**Г**ачамра виштаси урши, школализивад чарухъи, сунела нешлизи урклилчирти дурес хядуриублири.

—Дила ахерси неш, нушала клас-слизив сагаси дурхля вагъариубли сай. Ил набчил варх ца парталичи катурли сай. Гъаннала гьергъи ил дила гьалмагъли ветарар.

—Хүни иличила се-биалра балулрив?—хъарбиули сари нешли.

—Ну хези виклурагу, ил нушала класслизив ишбархлицун сай вагъариубси. Гъайгъай, нуни иличила гъачамлис селра балули ахленра. Хүни набзи сен илкъяйда хъарбиуда?

—Дила пикрили, хүни гьалмагъ чеввиркүчил иличила имцаливан багъес чебиркур. Хү гъанна дехлибала дирес вехихилри, исламла гилмурти руркъес хьулухъири...

—Сайра, амма исламлара дила гьалмагълара ургаб сегъуна бархбас биес бируси? Гьалмагъдешла хлекълизибра бурилив исламлизиб?

—Гъайгъай, бурили саби, дила ахерси. Исламлизиб херхлебируси цапра суал лебси ахлен.

—Чини пикридарибти лерилра илди тяхъар-къяйда?

—Лерилра илди Къуръаннизир гили сари яра хядисуни сарливан нушаб илдала мягна гьаргбарили

къасбирисну. Гьалмагъ чевиклес бурес-цад гьамадси ахлен.

Идбаг ۞ виклусири, гьалмагъдеш дузахъес хьуликүси адам сегъуна саял вагъес чебиркур. Цархилван буралли, цаибил къаршиикибсилчил гьалмагъдеш кадизахъес асубируси ахлен.



—Гьалмагъ сегъуна виес гьагниси? Иличилара бурилив исламлизиб?

—Гъайгъай, бурили саби. Гьалмагъ духуси виес гьагниси сай. Селра хлебалуси, селра хлебучүси адамла гьалмагъ ветаэс деклар гьагниси гьатли? Пикриухъенгу хү иличила. Ил гьамру-

—Гьалмагъ малхямсира виес гьагниси сай. Ил чараагарси саби. Духуси адамра гьалмагъли чевиркүлес асухлебирар, эгер ил вайти хлял-гьабигъатличил декларулхъуси виалли. Малхямси ахленси адамла гьимуклибхилели дахъал вайти секлал дарес вирар. Къаркъси

адам алавчарси дунъяличира гьимилчил хериклар ва гьадатла секлапра илини вайтла чедиули ва аги-къяйда дархъли къиматла дирули хлейрар. Нуша цархилти адамтачи, мицирагличи, гьабигъатличи секъяйда гьамдирурал, илди нушачира тьп илкъяйда саби гьамбирути. Къаркъси адамлис чилра гьагниси ахлен. Гьагниси илгъуналичил гьалмагъикни?

Гьалмагъ Аллагълис мутлигъси адам виес гьагниси сай.

Адамла рухлизир дин, бирхауди агархилели, илини вайти баркъудлуми дурадерклес вирар, илди биалли бунагъуни сари. Илгъуна адам Аллагъли бируси танбихлизивад урухкүли ахлен. Лерилра бунагъуни илкъяйда сари кадиркути.

Илала дурабад, гьалмагъ гьадатливан исламлизивси виес гьагниси ахлену, Аллагъла гъуйчивад вашуси виес гьагниси сай.

Сецад хлейгеси биаллира, гьергъиси заманализиб ислам гъарацбирути, гъарацли иргъути адамти имцаби-күли саби, илдани цархилтира бархъси гъуйчивад чебулклахъули саби. Илдани чула дархъагати пикруми цархилти адамтачира чекадилгъули саби. Илди урехила адамти саби.

Илдигъунти адамтачи лехлихъес ва гьалмагъиркес асухлебирар. Илди сабира чебалкли саби, цархилтачира илда вайси асар бирули саби. Илдала асарлиув веґра чеввалклес асубирар ва бархъсиллизивад балкиси декларбарес хлебалуси ветаэс асубирар.

Аргъирив гъанна, сегъуна виес гьагниси гьарли-марси гьалмагъ?

СИЯКЪ

Цадехлалра  
рухли цархилти  
рухличи  
къаршили бунагъ  
мабараб

АРАДЕШ

## Бекі изули биалли...

Хүшала бекі гьаман изули биалли, гьабигъатлизирти дармунта хүшачибад ил балагъ чебарбукес дирар.

Бекі гьаман изнили хүша декли зягипли диъни ахлену иргъахъуси, хүша гъав агарли диъни саби. Бекі изес бирар дебали вамсурхели, гьалакиубхилели, гьамрулизир къаршидиркути къиян-жапали вамсахъурхели.

Хүлби дамсурхелера бирар бекі изес. Мурхъли пикриикүли калалли, дебали къакъавакили виаллира бекі изесбирхур. Вайтла кайхъи калаллира бирар бекі изесбяхлес.

## Бекілис дарман

۞ Цацадехлі эфирла гьавадешуни бекілис дебали багалати сари. Шумерилла гьавадешла чумал клант лихлишкуннази дакес ва суркдарес чебиркур. Анда ва хъаб суркдарнира гьагниси саби. Хүшаб къалабали кункдеш алкан.

۞ Ца някъ дьаргибти шинни бемхехъалра бекі паргъатбирули бирар. Чумал минутлици ца някъ дьаргибти шинни кьузбарая. Гур ил вяхлүшкой суркбарая.

۞ Къашми горчичникунала шинни кадаталлира бекі къайбиркур. Тлас хүшани гьандуцесли дуцарти шинни бицая. Шинни витаминтачилти къарра дархаэс вирар. Масала, чайлис хядурдарибти къар. Камти зера дархиути сари. Имца-имцали цедеш ва овоцуни дукути сари. Горчицала порошокла кел кьулса даибти сари. Къашми илдигъунти ванати шиннизир шел минут кадатурли далтути сари. Гур къашми ванати шиннизир даргарути сари. Илала гьергъи ункъли бамсрихъуси саби.

۞ Бекі хъантализивад изули биалли, букан жершила бекі мявни детаэсли дисли балъая ва илди хъабличи кадихъая, гур илди вяхлүшкой клапдарая ва шарфли дебабарая. Компресс гьал минут балтуси саби. Гур ванати шинни хъаб баргаруси саби.



Идбаг ۞ виклусири, гьалмагъдеш дузахъес хьуликүси адам сегъуна саял вагъес чебиркур. Цархилван буралли, цаибил къаршиикибсилчил гьалмагъдеш кадизахъес асубируси ахлен.

саби. Мухаммад идбагла ۞ заманализиб хербирули калунти илала икъала-чибани идбагла гьамруличила дахъал хабурти дучибтири ва илди насихлятуниван чеалкүти наслубас калахъунтири. Илди бусурмантас гьамрула къанунтили детаур. Бусурманти илди къяйдурти хьасибли хербирути саби.

—Неш, хлебиалли исламлизиб гьалмагъдешличила се бурили?

—Хлед иличила багъес дигулрив, дила урши?

—Гъайгъай, дигулра. Нура цархилти бусурмантиван херизэс хьуликүлра, неш.

—Ну хлечи разили сарра, дила урши. Дебали разили сарра. Лехлизи хлебиалли се бурулил исламлизиб гьалмагъдешличила хези аргъахъес

лизир кадиркути анцбукъуни дархъли баяндирес балуси виес чебиркур. Масала, хлед багъес хляжати саби белгиси анцбукъла замана секъяйда вяшиклалли кьулайсил. Илала чебад хүни гьалмагъличил пикри цалабахъес дигулри. Гьалмагъуникун хляжатикибхилели кумекличи музабулхъахъес ва веґ илдас кумекличи музаулхъес бирути саби.

Дагъриагарси гьалмагъли илгъуна бархисби анцбукълизиб хлед гьагниси насихлят бурес вирару? Илини хлед кумекбирулра или, зарал булан барес вирар, дагъриагарси увухъалли. Сунес ил барес дигули хлейаллира. Нуни бурусиличи хү къабуллирив?

—Хү рархъири, неш. Даимбара хүни бируси, ну лехлихъулра.



ХЪАРБААЯ — ЖАВАБ ЛУГЕХІЕ

—Дехлибала дирухлели “Фатихалис” гьегъи дучлуги лерилра сурабала гьабгьегъидеш бузахънила шайчиб кабизахъурси низам лебсив?

—Дехлибайзир сураби илди Къуръаннизир мерладарни хъясибли дучли кьулайси саби. Масала, цаибил ракаглатлизиб “Ихлас” сура белчалли, киибил ракаглатлизиб “Кафируна” сура бучлуси саби. “Ихлас” сура Къуръаннизиб бегла гьегъиси сура биубли гьегъи, ил бегла гьегъи бучли гьахси саби. Илгъуна гьабгьегъидешлизиб хьелбелчаллира бунагъ лебси ахлен, амма суннализиб маслигътибурули саби ил бирахъес.



—Нуни беклибти ицули вирус. Наб ца-чумал анцбукълизиб суннатла хьелбарити дурхъни бирцесра чебуркьубси саби. Суннатла барити хьелбарити дурхъни ицнилизиб деклардеш лебсив? Гьегъиси тьахъри хьелбирцили хъарибихъили биалли, се бирусиса?

—Жаназа бигубли биалли, заябиубли тлугъабирули биалли, къискадарили агарти биркьунти лерли диалли, дирцес вирути мерани сари ицути. Дирцесагарт меранас таяммум бирусисаби. Жаназа хъарибихъибхьелчибад ил берхили тлугъабиэсцад замана аръякъи хьелбиалли, цацабел имамтани бурни хъясибли, жаназа дурасес ва гьегъиси тьахъри бирцес чебиркур, хъарибирхъухлели жаназала дехлибалара дарили.

Жаназа тлугъабиубли биалли, селра барес гьегъиси ахлен.

—Сен картошкаличибад закат хьелугуси? Илскилун киибил къац бикули саби.

—Закатла шуртразибад ца саби ил бухъяси заманализиб бихлес вирни. Картошка илдигъунтазибад ахлен.

—Хъябрачир зияратуни лухес асубирусив?

—Асубирусисаби, эгер илди хъябри Идбагла асхъабтала, шуйхрала, машгурти валибала диалли. Илдала хъябри дуркъили урисес ва илдала мерлици цархилти жаназуни хъяридирхъес асубирусисаби ахлен. Илдала хъябри баракат имцабилахъес мяхкамли дихлуги сари. Илкъяйда

белкли саби “Бушра Карим” биклуси табтарлизи.

—Дила дахъал уркалунти дехлибултира дуббуцурира лер. Нуни сецад кафарат бедес гьегъисиса?

—Уркалахъунти дехлибултира дуббуцурира мицирли левалли черихъути сари. Хьед имамлици яра гьегъимлици дугъайзес чебиркур, сецад лерал уркалунти дуббуцурира дехлибултира белгидарес багъандан. Уркалахъунти дехлибулти черахъили виадли кафарат бедес хъяжатдеш лебси ахлен. Амма уркалахъунти дехлибулти багъандан гьегъарил дехлибайс яргаличилси Рабазан баз сабаайчи ца муд хъясибли бедлугуси саби кафарат. Эгер адам мицирли левалли уркалахъунти дехлибулти черахъес бажардихъейкили виалли, илкъяйда дуббуцурира кали диалли, имам Хъянифала мазгъаб хъясибли кафарат бедлугухлели искат бирусисаби. Амма кафаратуни къабудирниличиса умут лебси ахлен, ил багъандан дехлибултира дуббуцурира заманализиб бекдирни кьулайси саби.

—Башуси поездличир дехлибала дирес асубирура? Секъяйда дехлибала дирути къибла чинаб сабил белгидарес хьейрули виалли?

—Поездличир дехлибала дарес вирар ил башули биаллира. Къибла чинаб сабил хьелбалули гьегъи, берхли хъясибли белгидарес вирар, компасличил яра картализи хьегъили. Къибла белгидарес имкан агарли биалли, ижтихад бирусисаби. Къибла чинаб саби или гъанбиркулил, дехлибайчира ил шайчивъахл калзуси сай. Гьегъарил дехлибала дирухлели ижтихад бирусисаби.

—Хъунулра нура деклардикилра. Нушала ургав аклубси хъябал дуслала гьегъмурула дурхъяра лев. Шаригъят хъясибли ил чичив хьейрули виэс гьегъисиса?



—Неш сари къаршили хьегъиалли ил барес, дурхъялис нешличив ватни кьулайси саби, амма ил барес иличиб чебсира ахлен. Дурхъя айкъес ва бяркълици викахъес дудешлици хъарси саби.

—Хъубеш дудеш уршила хъунуичи къячкиалли яра рурсила мурул хъубеш нешличи къячкиалли дазала дулугитив?

—Илгъуна анцбукълизир дазала



дулугитив ахлен, сенкьун илди сегъуналра анцбукълизиб цаличи ца хъайчикабизес бирути ахлен, декларбикили гьегъирира илди хъаллабизес бирути ахлен, сенкьун ил барни хъярамси саби.

—Суннатла дехлибала витру дирес чертив?

—Витру дехлибала (тякти) дирахъес маслигътибуриси саби. Илди дугила дехлибайс гьегъи шала шикъдурхъайчи дирути сари. Аллагъли хъушаб витру дехлибала дирахъес гьибти сари. Витру 1, 3, 5, 7, 9, 11 ракаглатлизирад цаладиркути сари. Гъала-гъала кликел ракаглатла дирути сари ва ца ракаглатлайчил тамандирути сари. Ният ишкъяйда бирусисаби: “Нуни ният бирулра кьел (ца) ракаглатла витру дехлибала дарес”. Эгер адамла умут лебли биалли шала шикъдурхъес гъалав сай чевиргъниличиса, илхлели илди дехлибала шала шикъдирухлели дарес датес гьегъисисаби, чевиргъниличиса умут агарли биалли, дугила дехлибайс гьегъи дирни гьегъисисаби. Витру суннатла дехлибултизирад беглара гьегъитазиса халдирути сари. Имам Хъянафила мазгъаблизир илди дирес чебси саби. Хъядислизиб бурили саби: “Витрулизивад чи усааллира яра илди дехлибала дарес хъумарталлира, гъандикибхлели дирути сари. (Абу Давуд). Шала шикъдурхъайчи витру дехлибала хьедарибисили илди хлерили яра дугили черахъес вирути сари.

—Суннатла дехлибултизирад “Фатихалис” гьегъи сураби дучлес гьегъисисив?

—Суннатла дехлибултизирад сураби дучли кьиматчебси саби. Илала дурабад, дехлиба дурарван ахли Къуръайзирад сураби дучли вецнали кьиматчебси саби.

—Нуни цагъяхти арц цаладяхъилра. Илдас хъяж барасли кьулайсиса яра хъайчикайъни?

—Лерилра мазгъабунала имамтани бурни хъясибли, зина бирнила урехи лебли биалли, адамлис гъала-гъала хъаллавиъни кьулайси саби. Ил хъайчикайни хъяжли укъниличиб кьиматчебси бирар, умра барниличиб, суннатла дехлибала дарниличиб, суннатла дуббуцарличиб кьиматчебси бирар.



ХЪАЯС

Мурул адамлис бунагъван сунела хъалибарг беклахъудиличил гьегъхьелбурцира баибси саби (Абу Давуд)

СУФИЙТАЛА ХЪАБУРТИ

Къудратла Вегилис дезабиклуги камти саби

Гъачам Гумарли Аллагълизи тиладикилуси адам чеили сай. “Ва дила Аллагъ! Хъуни ну камтала лугилизи кайкахаба”. Гумар илала тиладилчи тамашавиубли сай ва илала тиладила мягъна сегъуна сабил бурахъили сай. Нуни аргъира Къуръаннизиса ишкъяйда белкли саби или: “Дила лугъразибад Наб (Къудратла Вегилис) дезабиклуги камти саби”.

Илгъуна жаваб аргъибхлели, Гумар виклули сай: “Гьегъарил адамли Гумарличир дахъал далуги сай”.

Иманна баракат

Гъачамра Хъябиб аль-Аджами биклуси вализи илала хъуну хъалибаргиса напакъа бучес узес укъяхъес тиладибарили руили сари. Ил хъулилад дуравхъи сай ва абзур бархли Аллагъ гъаниркахъули кали сай ва бархлехъ хъули вацли чарухъи сай.

Хъуну чинара хъуни дарити арц



или хъарбаибхлели, ил виклули сай: “Ну узуги калунра, амма багъа биха эс урузиубли хьейубра”. Илкъяйда бетатурли саби хъябал бархли.

Авъибил бархли, гъандуцес хлериубли, валила хъунул риклули сари: “Хъуни бариса хъянчилиса багъа тилабхьелбирули виадли яра цархилличив узес къасбарес хьейрули виадли, ну рархъратаба, набзивад декларики”.

Хъябиб аль-Джами ил бархлира хъулилад дуравхъи сай ва бархли ахъайчи Аллагъ гъаниркахъули кали сай. Бархлехъ гурра вацли чарухъи сай.

Илини хъулир хъунул дебали разили раргили сай. Илини гьегъисиса хурегра хъядурбарили руили сари. Ил муруйзи риклули сари: “Хъу узуги калунси адамли мургъили бицибси къача бархъили сай”.

Илхлели Хъябиб аль-Джами висикайили сай ва лерилра илди бурхъназив сай сели виркули калунал хабар бурили сай. Илала хъунул сунени барисиличи пашманриубли сари, тавбадарили сари ва гур муруйзи уркъбяхъуни хьедурес чешили сари.



## СУАЛТИ ВА ЖАВАБТИ

Хишала суалтас жавабти лугули сай Дагъиста ислам-ла университетла преподаватель Мухаммадрасул-хияжи Гяшикьовли

— Гъалавван ну больницализив Сягид-апандизабад вирд сасибти кел адамличил тянишубра. Илдзивад цали наб вирд чеб-белкахъес пурбанбариб. Ил наб-зиб леб. Асубирусив наб гъанна иличил шайхли гибси вирдличил-ван пайдаирес?

— Тарикъатла вирд вегли сай шайхлизивад сасес гягниси саби. Ил шайхла тарикъатлици цархилти бег-бирахъес гъарли-марси дирхалачебси ихтиярра биес гягниси саби.

(“Танбих-ус-саликин”. I ибил бекI, бяхI 4I)

Къуръан белчичи багъандан бирусив гягидеш Аллагълис багъишла-барес вирусив?

— Къудратла Веги Аллагъ нушани дарибти гягидешуначи хияжатируси ахлен. Иличи урглебли, Аллагъ сай лерилра гягидешуни дарес вирусив. Нушани лерилра баркъудлуми Аллагъ разивиахъес къасличил дурадуркьлути сари.

Нушани аргъира хабарагарли мурул адамла хъунул адамличичи някъ къячбикили хъалли даза-

ла дулъути ахлен или. Илкьяйда сабира?

—Имам Шафигила мазгъаблизив дазала дулъути авал баркъудлизивад ца саби къас-къасли сабил яра хабарагарли бетаурсил херхлеили, мурул адамла хъунул адамличичи ва хъунул адамла мурул адамличичи някъ къячбикни. Чянкли дазала дулъути ахлен гъамти адамтачи: нешличи, рузичичи, нешла яра дудешла рузичичи, цархил-ван буралли, чучи хъайчикайес асухле-бирутачи някъ къячбикили хъалли.

Имам Абу Хиянифала мазгъаб хиясibili илхели —дазала дулъути ахлен.

“Минхадж”,  
“Игъанат”

Гъанна адамтазир дахъал мобильникуни лер. Цацабехтала мобильникуназир биалли балгни-ра, Къуръайзиради сурабира къаршидиркули сари. Илдигъунти мобильникуначил хияжатханализи айцлес асубирусив?

—Дазала агарли Къуръанничичи къячикес яра ил бихес асубирусив ахлен, хиярам саби. Мобильниклизив информация цифрабачил саби белкьлунси ва флеш-картализивра Къуръанна белкI биес бирусив ахлен. Амма телефонна экранничир Аллагъла у яра Къуръаннизирадти аятуни делкли лерли диалли, илгъуна мобильникличил хияжатханализи ацлес асубирусив ахлен. Телефон къяпкабирусив саби яра экранничибси белкI цархилличил барсбирусив саби.

Имамлис гьегъи дехибала дарес маъмум секъяйда калзуси, ил сайцун виалли?

—Ил имамличивад балуй шайчи калзуси сай, илхелира сунела къяш-мала гумли имамла дагначил цугди-кили диэсли. Илхели беклибиубси шартли бирусив саби илала къячуби (дагни) имамла дагнас гъаладулхъули хедиъни.

Мягна сегъуна сабил хергъукъи-ра Къуръан бучлес асубирусив?

— Асубирусив саби, ил гъарацхле-барил бучлули биалли, махражла ва тажвидла тлалабуни дузахъули диалли. Къуръан бучлусилис илала мягна иргъули хейаллира гягидеш бирусив саби, сенкьун Къуръан бучичи Аллагълис къуллукъбирни саби.

Хъунул адамлис бекличиб клана агарли дазала дирес асубирару?

— Асубирар, эгер ил цархил мурул адамли чериули хериалли.

Туйзи дяхъи биалли, дазала дулъутив?

—Имам Шафигила мазгъаб хиясibili илхели дазала дулъути ахлен, имам Абу Хиянифала мазгъаб хиясibili биалли дулъути сари.

Гъанна динничила бурути дахъал жузи лер. Илди дучлес асубирусив, илдазибкьун динничила цаван бурули ахлен? Дучлахъес чиди жузи маслигъатдирути?

—Исламла хекълизирти баянти чидилти жузазирад касалли къулай-сил имамлизичи хъарбаъни гягиси саби. Нушани биалли маслигъатдирулра Дагъиста бусурмантала динна идара-ла экспертла отделли ункъли чедаибти жузицун.

Хиябрази чидилти бурхназив музаулхъни къулайси?

—Хиябрази музаухъес къулайси саби хамис бархли бархлехъла дехибала дарес гъалав, жумягI бархли бархлехъ ва сут бархли савли. ЦацабехI гялимтани алхият бархли бархлехъ музаулхънира къулайсилити халбирули саби.

Херили дехибала дарес бетхле-рули биалли, ил бархила лерил-ра дехибулти бархлехъ дарес (черахъес) асубирусив?

—Асубирусив саби. Амма хъумар-тес асухлебирар дехибала заманалис гъалар яра къанни дирни багъандан халаси бунагъ биуси биъниличилара. Узуси яра учлуси мерличирра дехибала дарес чумал минут даргес вирусив сай. Къиямалла бархилкьун адамлизивад беглара гъалаб тлалаббирусив заманаличир черти дехибулти дирули калунал бурахъес саби. Идбагли бурибсири: “Дехибала уркалахъи гьегъи, илди хлушани цархил замана илди жамигъатличил дарх дехибала дарилли, черахъили диадаллира, уркалахъунти дехибала дарихъелицад хлушаб гягидеш хлебирар. Сунела заманаличир дарибти дехибала дурхъати сари”.

## БАГЪАХЪНИ

## Хиурматла шайх Сайфулла-къади

## Башларовла динна давла



Лебилроссияла гилму-практикала конференция.

РФ-ла багъудила ва гилмула министерстволи, Дагъиста бусурмантала динна Идарали, Исламла багъудила ва гилмула Северный Кавказла университетла центрли, Мямма-Дибир аль-Рочила уличилси дин руркънила ва дин бузахънила институтли, Россияла гилмуртала академияла Дагъиста гилмула центрли, мезла, литературала ва искусствала институтли хлуша

«НАКЪШИБАНДИЛА, ШАЗАЛИЛА ВА КЪАДИРИЛА ТИРИКЪАТУНАЛА УРИБСИ ГЯЛИМ САЙПУЛЛА-КЪАДИ БАШЛАРОВЛА ГЯМРУ ВА ДИННА ДАВЛА» БИКИУСИ ТЕМАЛА ЧЕБКАД ДУРАБУРКИУСИ ЛЕБИЛРОССИЯЛА ГИЛМУ ПРАКТИКАЛА КОНФЕРЕЦИЯЛИЧИР БУТИАКЪАНДЕШ ДАРАХЪЕС ЖИДИРУЛРА.

Конференция дурабуркьуси саби Мяхлякъала шагъарла Дахадаевла уличилси къякъализибси (№ 136) Дагъиста Исламла университетла заллизив апрельла 25-личиб, сягъят 10-личиб.

Телефон (8722) 63-41-85. Факс: 63-64-71

## Рузнама

май

дни	утрен.	восх.	обед-ный.	посл. обед.	вечер.	ночн.
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	2.59	5.12	13.00	16.47	20.20	22.13

## Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

## Редакционный совет

Председатель редакционного совета муфтий РД Ахмад-хаджи АБДУЛАЕВ заместитель муфтия РД Махди-хаджи МУТАИЛОВ

## Редактор

Патимат ВАГИДОВА

## Канонический редактор

Гарун ДЖАГУМОВ

## Верстка

Асият ХАНОВА  
Ахмед МАГОМЕДОВ

## Набор

Тавсултан САИДОВ

## Менеджер

Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна. Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № \_\_\_\_\_

Сдано в печать 2 апреля 2008 г.

Тираж 2900 экз.

## Адрес редакции

367015, РД, г. Махачкала, ул. М. Ярагского, 128. Тел.: (8722) 61-00-64.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: info@assalam.az; www.assalam.az